

# Акафист святому пророку Илие

## Кондак 1

Избранный Богом на обращение Израиля от прелести Вааловы, грозный обличителю царей законопреступных, просиявший пламенною ревностию по Бозе Вседержителя, святостию жизни и чудесы, восхищенный с плотию твоєю на Небеса и предыти имей Второму пришествию Христову, похвальная воспоем ти, пророче Божий Илие; ты же, яко имей велие дерзновение ко Господу, от всяких нас зол и обстояний молитвами твоими свободдай, благочестно тебе вопиющих:

Радуйся, Илие, великий пророче, Второго пришествия Христова славный предтече.

## Икос 1

Ангел ревностию по Бозе и чистым житием твоим, сый во плоти, пророче, был еси: еще бо младенцу ти бывшу отец твой Совах виде светлыя Ангелы, беседующия с тобою, огнем ты повивающия и пламенем питающия, еже прознаменоваше пламенную ревность твою по Бозе, силу словес твоих и житие, яко свет, непорочное. Сего ради со удивлением зовем ти таковая:

Радуйся, от вечности предызбранный в служение спасению сынов Израилевых; радуйся, от чрева матерня предуготованный в провозвестника Божественныя истины и благочестия.

Радуйся, преславным, бывшим на тебе, видением родителя твоего удививый; радуйся, девственную чистоту и безмолвие от юности возлюбивый.

Радуйся, суету мира сего и вся блага его презревый, душу же твою всецело Господу посвятивый; радуйся, светом премудрости от Бога озаренный и учением благочестия издетства напоенный.

Радуйся, Илие, великий пророче, Второго пришествия Христова славный предтече.

## Кондак 2

Видя нечестие и развращение во Израили, преславный пророче, зело духом твоим скорбел еси и ревностию по славе Божией воспламенялся еси; яко сынове Израилевы мерзким идолом поклоняшася, от Бога же Истиннаго отступяша, Емуже вся небесная воинства со страхом вопиют: Аллилуиа.

## Икос 2

Разум свой злою волею омрачив, беззаконный царь израильский Ахав, остави Истиннаго Бога Вседержителя и поклоняшеся мерзкому идолу Ваалу, купно же

и в царстве своём умножи идолопоклонение и нечестие. Ты же, пророче, исполнен сый велия ревности по Бóзе, дерзновенно обличил еси царя, возвестив ему, яко в наказание ему и царства его три лета и месяц шесть не будет дождь, ни роса, и глад велий будет по всей земли. Дивяшеся убо толлицей ревности твоей по Бóзе и велию дерзновению, с любовью зовем ти:

Радуйся, небоязненный проповедниче истины и крепкий поборниче благочестия; радуйся, ревностный нечестия обличителю.

Радуйся, к наказанию некаяющихся грешников долготерпеливаго Бóга преклонивый; радуйся, словом твоим небо заключивый и плодородную землю неплодну сотворивый.

Радуйся, трилетний глад за нечестие людей от Господа испросивый; радуйся, яко Всевышний Господь дарова тебе в Бóга Ахаву, якоже древле Моисеа фараону.

Радуйся, Илие, великий пророче, Второго пришествия Христова славный предтече.

### **Кондак 3**

Силою молитвы твоея, предивный пророче, воистину заключися небо и не одожди три лета и месяц шесть, и бысть глад велий по всей земли: да поне зноём и гладом томими, нечестивии людие покаются и обратятся ко Господу, со умилением зовуще Ему: Аллилуиа.

### **Икос 3**

Имея велие благоволение к тебе, пророче, Господь восхотел отлучити тя от беззаконных сынов Израиля, да не с ними терпиши глад и жажду, и повеле тебе ити к потоку Хорафову, идеже вранове питаху тя, приносяще хлеб и мясо. Тем же приносим тебе похвальная сия:

Радуйся, постом и бдением вся земная и суетная помышления истребивый; радуйся, молитвою и богомыслием ум твой в горняя вперивый.

Радуйся, патриархов величание и пророков красотó; радуйся, девственников похвалó и преподобных славо.

Радуйся, святителей наставниче и мучеников крепосте; радуйся, яко нечестием и неверием ослепленных сынов Израилевых на путь истины обратил еси.

Радуйся, Илие, великий пророче, Второго пришествия Христова славный предтече.

### **Кондак 4**

Буря вѣлия, разрушающая горы, предыдѣше, егда приближашеся к тебе, пророче, в Хориве Господь, таже явися трус, и не в трусе Господь, и по трусе огонь, и не во огни Господь, а по огни бысть глас хлада тонка, и ту явися тебе Господь, Егоже присутствие ощутив, покрыл еси лице твоё милотию, со страхом и радостию зовый Ему: Аллилуиа.

#### **Икос 4**

Слышав нечестивый царь Ахав повеление твоё, о еже обрати вся колена Израилева на гору Кармильскую, и привести на ту студныя пророки Вааловы, абие послав, собрав вся, и сам прииде тамо. Ты же, ревнителю славы Божия, хотя конечно посрамити мерзкия идолы и прославити Истиннаго Бога, повелел еси уготовати две жертве, огня же на тья не возгнещати, рек: «И будет Бог, Иже послушает огнём, Той есть Бог». То слышавше вси людие, рѣша: «Добр глагол Илиин, да будет тако». Мы же, величающе тя, зовём:

Радуйся, великий посланниче Царя Небеснаго и провозвестниче святых вельний Егo; радуйся, адамante, неодолимый в ревности и непоколебимый столпе благочестия.

Радуйся, сильный защитниче истины и твердый противоборниче врагов Божиих; радуйся, нечестия искоренителю и насадителю благочестия.

Радуйся, пламенный ревнителю Божественных славы; радуйся, яко и в последние дни мира имаша проповедовати Истиннаго Бога и обличати окаяннаго антихриста.

Радуйся, Илие, великий пророче, Второго пришествия Христова славный предтече.

#### **Кондак 5**

Боготечную ты звезду погасити мняше беззаконная царица Иезавель: исполнившись бо на ты ярости за погубление студных её пророков, хотяше убить ты. Ожесточися бо сердце её и не хотяше веровати чудесем твоим, пророче, и познати Истиннаго Бога, поющи Ему: Аллилуиа.

#### **Икос 5**

Видевше вси людие Израилевы, по молитве твоей, огонь от Господа с Небес сшедый на жертву твою, всехвальне пророче, и всю ю пожегший, дрова же, и камень, и персть, и воду потребивый, падоша на лица своя, взывающе: «Воистину Господь Бог, Той есть Бог». И вероваша людие Богу, студныя же пророки ты заклал еси. Славяще убо Всесильнаго чудодѣющаго Бога, тебе, угоднику Егo, глаголем сщце:

Радуйся, превелие дерзновение ко Владыце всяческих стяжавый; радуйся, знамени и чудесы Божественную Истину утвердивый.

Ра́дуйся, прелесть дэмонскую посрамивый, истинную же веру прославивый; радуйся, неверная истинным боговедением просветивый.

Ра́дуйся, трикратным лиянием на жертвенник воды тайну Пресвятѣя Троицы явивый; радуйся, яко все естество сущих тебе повиновася, огонь же и вода тебе служаху.

Ра́дуйся, Илие, великий проро́че, Второго пришествия Христова славный предтече.

### **Кондак 6**

Проповедник истиннаго боговедения и благочестия явился еси, проро́че, не токмо во Израили, но и в стране язычестей, послан быв от Господа в Сарепту Сидонскую к женѣ вдовице препитатися, паче же да саму ту препитаеши в гладе: имея бо велию чудотворения благодать, умножил еси муку и елей в дому ея неоскудно, дондеже прейде гладное время, и трикратным дуновением, по молитве твоей, воскресил еси умершаго сына ея, поя чудодѣющему Богу: Аллилуиа.

### **Икос 6**

Воссияв великою ревностию по Бозе Вседержителю, zelo скорбел еси, проро́че, яко оставиша завет Его сынове Израилевы, олтари Его раскопаша и пророки избиша. Господь же во утешение твое возвестил тебе, яко не весь Израиль отступил от Него, но имать семь тысяч сокровенных рабов Своих, иже не преклониша колена своя Ваалу. Темже, воспоминающе ревность твою по Бозе, поем ти с благоговением сицевая:

Ра́дуйся, верный служителю и ближний друже Господень; радуйся, образе и похвало благочестивых пастырей.

Ра́дуйся, наставниче спасения и просвещение во тме сидящих; радуйся, защитником истины мужество внушая, в подвигах же и страданиях за правду их укрепляя.

Ра́дуйся, яко серафимскою пламенною любовью к Богу горел еси; радуйся, яко и Господь во всем послушаше тебе и по прошению твоему вся творяше.

Ра́дуйся, Илие, великий проро́че, Второго пришествия Христова славный предтече.

### **Кондак 7**

Хотя Человеколюбец Господь явити милосердие Свое кающимся грешником, по прешествии прореченнаго гладнаго времени, низпосла по молитве твоей, проро́че, и глаголом уст твоих, на жаждущую землю обильный и мирный

дождь: сынове же Израїилевы, сподобльшиися толікия мѣлости, во умилѣнии сѣрдца благодарственно возопѣша Бѣгу: Аллилуѣа.

## **Икос 7**

Нѡвое нечестѣвый царь Ахав к беззаконіем своим приложѣ злодеяніе, егда повелѣ убѣти неповѣннаго Навуфѣя и восхѣти виноград егѡ. Сего ради, обличая законопреступнаго царя, прорѣкл еси ему, прорѣче, яко идеже умерщвлен бысть Навуфѣй, тамо и егѡ кровь свиний и пси полизут, и жену егѡ Иезавель снѣдят пси, и весь дом егѡ истребится. Ведуще убо мы сбывшееся страшное сие прорѣчение, ужасаемся, зовуще:

Радуйся, обидящих и жестокосѣрдных грозный отмстѣтелю; радуйся, сѣрых и напастуемых крѣпкий заступниче.

Радуйся, не почитающих святых праждников Православныя Цѣркве карателю; радуйся, продѣрзых хульников Имене Бѣжия низложѣтелю.

Радуйся, слѡвом обличѣния, яко грѡмом, беззаконныя поражая; радуйся, бѣдущая, яко настоящая, вѣдый и дальняя, яко близ сущая, прорицая.

Радуйся, Илиѣ, великий прорѣче, Втораго пришествія Христѡва славный предтече.

## **Кондак 8**

Странное и преестественное показа Господь о тебе, прорѣче, промышление, егда повелѣ алчным и нечадолюбѣвым врагом питати тя в глѣде при потоце Хоравове, идеже непрестанно пребывая в молитве и богомыслии, воспевал еси Бѣгу: Аллилуѣа.

## **Икос 8**

Весь был еси смиреніем велиим украшен, прорѣче Бѣжий, сего ради с гордостію пришедших к тебе двух пятидесятоначальников с воины, да приведут тебе к беззаконному царю Охозии, огнем попалѣл еси, со смиреніем же пришедшаго к тебе Авдия, иже питаше ученики прорѣческия, помиловал еси. Сего ради приносим ти похвальныя пѣсни сия:

Радуйся, гордых смиренѣтелю и карателю, смиренных же покрове и заступниче; радуйся, мздоимных судѣй наказателю, право же судящим помѡщниче.

Радуйся, правѡверному воинству во бранех спѡборниче, нечестѣвых же супостат низложѣтелю; радуйся, премудростію, яко бронѣю, облеченный и правдою, яко щитом, огражденный.

Ра́дуйся, ре́вностию по Бо́зе я́ко мечём воору́женный и постом, я́ко крила́ми, окриле́нный; ра́дуйся, ве́рою, я́ко шлёмом спасе́ния, покрове́нный и любóвию, я́ко венце́м пресве́тлым, венча́нный.

Ра́дуйся, Или́е, вели́кий проро́че, Вто́раго прише́ствия Христо́ва сла́вный предте́че.

### **Кондак 9**

Вся́кое челове́ческое естество́ зело́ удивля́ется, ка́ко ты, пречу́дный проро́че, шел еси́ четы́редесять дний, ни яды́й, ни пия́й, до горы́ Хори́ва, иде́же сподо́бился еси́ пресла́внаго явле́ния и пресла́дкия бесе́ды Го́спода Вседержи́теля, поя́ Ему́: Аллилу́иа.

### **Икос 9**

Вити́я многовещáнные недоуме́ют дово́льно разумéти и изья́снити, ка́ко ты, великоиме́ните Или́е, во плóти сый челове́честей и подобостра́стен нам быв, восхи́щен еси́ с те́лом твои́м на не́бо, я́вльшейся тебе́ колесни́це о́гненной с ко́ни о́гненными. Сла́вяще у́бо просла́вльшаго тя Го́спода и дивя́щаяся восхи́щению твоemú, благоговéйно зове́м ти:

Ра́дуйся, пречу́дным воздержáнием ветха́го челове́ка в себе́ умертви́вый; ра́дуйся, о́гнем Божéственныя ре́вности вся́кое веще́ственное помышле́ние в себе́ попали́вый.

Ра́дуйся, преложéнием твои́м на Не́бо род челове́ческий возвесели́вый и жизнь ве́чную уве́ривый; ра́дуйся, че́стию и сла́вою преесте́ственною от Бо́га почте́нный и па́че всех дрéвних проро́ков просла́вленный.

Ра́дуйся, от а́нгельских ликóв в селéниях небéсных ра́достно срéтенный; ра́дуйся, я́ко и́мя твоё во всем ми́ре почита́ется, и ре́вность твоя́ по Бо́зе зело́ прославля́ется.

Ра́дуйся, Или́е, вели́кий проро́че, Вто́раго прише́ствия Христо́ва сла́вный предте́че.

### **Кондак 10**

Спаст́и хотя́ Всеблаѓий Бог лю́ди Изра́илевы от прелести Ваа́ловы, избра́ ты, вели́кий проро́че, во ору́дие во́ли Своея́ и облече́ ты Божéственною вла́стию и си́лою, да обрати́ши неvéрныя, исправи́ши беззакóнныя, просвети́ши омраче́нныя и научи́ши всех вопи́ти Бо́гу: Аллилу́иа.

### **Икос 10**

Стена́ и заступле́ние бу́ди нам, пресвя́те проро́че, мо́щным твои́м ходата́йством утоля́я пра́ведный гнев Бо́жий, поража́ющий нас, грéшных и непотре́бных,

бездóждем и глáдом, ещё же тлетвóрными вётры и болéзнями, да избáвльшеся от бед, благодарствено поём тя:

Рáдуйся, молíтвами твоими нéбо заключáяй и отверзáяй, плодонóсие землi и непло́дие от Бóга посылáяй; рáдуйся, предстáтельством твоим пред Бóгом дождi мiрны и рóсу животвóрную на земнáя прозябéния низводáяй.

Рáдуйся, свирéпых вóлны морскiя и стрáшныя бóри утишáяй и грóмами и мóлниями по вóле Божией управлáяй; рáдуйся, тлетвóрныя вётры и смертонóсныя я́звы, поража́ющия челове́ки же и скоты́, укрощáяй.

Рáдуйся, сiрых и вдови́ц питáтелю и щедродáтельных людiй покровiтелю; рáдуйся, я́ко нечестiвых ху́льников и гонiтелей прáвыя вéры поража́еши и духóв злóбы от рабóв Бóжиих прогоня́еши.

Рáдуйся, Или́е, вели́кий прорóче, Вторáго пришéствия Христóва слáвный предтéче.

### **Кондак 11**

Пéние умиленное приими́ от нас, прорóче Бóжий Или́е, я́коже прия́л еси́ прошéние Елисéево, егда́ проси́ от тебе́, да бóдет дух, iже в тебе́, сугуб в нем, и егда́, восхищáясь на Нéбо, низпусти́л еси́ ему́ мiлоть твою́, ю́же он взял, разделi, я́коже и ты прéжде, Иордáнския вóды, и бысть наследник дéйствовавший в тебе́ Бóжия благодáти: сiце и нас покрýй мiлотию твоея́ мiлости от всяких бед и обстоя́ний, да со благодарéнием зовём Бóгу: Аллилúиа.

### **Икос 11**

Светозáрное светiло во Изра́или, всехвáльне прорóче, был еси́, сияя равноáнгельным житиём твоим и мóдростию, ещё же необы́чною рéвностию по Бóзе и чудесы́ преслáвными, просвещáя лю́ди iстинным боговéдением и разгоня́я мрак идолослужéния. Тёмже восписýем ти похвáльная, поiуще:

Рáдуйся, лучезáрная звездó, сиянием своим озарiвшая всю вселéнную; рáдуйся, светонóсная свещé, непрестáнно горя́щая и во тме седя́щих просвещáющая.

Рáдуйся, дýхом премóдрости и рáзума озарéнный, дýхом совéта и крéпости исполненный; рáдуйся, дýхом вéдения и благочéстия просвещéнный и дýхом стрáха Бóжия напоéнный.

Рáдуйся, высóкими добродéтелями и преслáвными чудесы́ преукрашéнный; рáдуйся, я́ко суды́ Бóжия на землi исполнял еси́, прорóки же и царi пома́зывал еси́.

Рáдуйся, Или́е, вели́кий прорóче, Вторáго пришéствия Христóва слáвный предтéче.

## Кондак 12

Благодать велия дана ти бысть от Бога, прехвальне пророче, яко в земней жизни твоей пророчествовал и совершал еси дивная чудеса, таже преестественно восхищен был еси с плотию твоею на небо: по восхищении же твоём дивно предстал еси на Фаворе Преобразившемуся Господу и с ним беседовал еси, и доднесь не престаеши чудодествовати и источати милости и изцеления усердно почитающим тя, Богу же верно вопиющим: Аллилуиа.

## Икос 12

Поюще твою пламенную ревность по Бозе и равноангельное житие, дивная же твоя и преславная чудеса и превелие благоволение к тебе Господа, восхваляем тя, великоимените пророче Илие; обаче не могуще достойно изобразити величие и славу твою, со умилением зовем ти сицевая:

Радуйся, ковчеже Божественных славы и всечестный храм Пресвятыя Троицы; радуйся, светильниче невечерний церквей и благовонный цвете рай Божественнаго.

Радуйся, благочестивых пустынников руководителю, девственников же наставниче и укрепление; радуйся, яко грешников к покаянию возбуждаеши и всему роду христианскому жизнь вечную ходатайствуеши.

Радуйся, яко во светлостех святых неизреченных славы наслаждаешься и непрестанно Господа славословиши; радуйся, яко в конце времен велия знамения и чудеса имаши совершити на утверждение людей во истинней вере и на обличение антихриста.

Радуйся, Илие, великий пророче, Второго пришествия Христова славный предтече.

## Кондак 13

О предивный и преславный пророче Божий Илие, превелий ревнителю по Бозе, дожди и бездожие, плодonoсие на землю и неплодие от Бога посылая! Услыши сие малое, благоговейно приносимое тебе нами моление и твоим теплым ко Господу предстательством сохрани нас от бездождия, глада и смертоносных болезней, подаждь же нам благорастворение воздуха и плодonoсие, и дух правых веры и благочестия, да избавльшися от вечных мук, сподобимся райского блаженства, поюще Богу: Аллилуиа.

*Этот кондак читается трижды, затем 1й икос «Ангел ревностию...» и 1й кондак «Избранный Богом...».*

## Молитва



О прехвальный и пречудный проро́че Божий Или́е, просия́вый на земли равноа́нгельным жити́ем твои́м, пла́меннейшею ре́вностию по Го́споде Бо́зе Вседержи́теле, е́ще же зна́мени и чудесы́ пресла́вными, та́же, по кра́йнему благоволе́нию к тебе́ Бо́жию, преесте́ственно восхище́нный на о́гненной колесни́це с плоти́ю твоёю на Не́бо, сподо́бивыйся бесе́довати с Преобра́звшимся на Фаво́ре Спаси́телем ми́ра и ны́не в ра́йских селени́их вѣну пребыва́яй и предстоя́й Престо́лу Небе́снаго Царя́! Услы́ши нас, грешных и непотре́бных, в час сей предстоя́щих пред святою твоёю ико́ною и усер́дно прибега́ющих к ходата́йству твоёму́. Моли́ о нас Человеколю́бца Бо́га, да пода́ст нам дух пока́яния и сокруше́ния о гресѣх на́ших и всеси́льною Своёю благода́тию да помо́жет нам оста́вити путы́ нече́стия, приспева́ти же во вся́ком де́ле бла́зе, да укрепи́т нас в борьбе́ со страстьми́ и похотьми́ на́шими; да всади́т в се́рдце на́ше дух смире́ния и крото́сти, дух братоло́бия и незло́бия, дух терпе́ния и целому́дря, дух ре́вности к Сла́ве Божией и спасе́нию бли́зних. Упраздни́ моли́твами твои́ми, проро́че, злы́я обы́чаи ми́ра, па́че же поги́бельный и тлетво́рный дух ве́ка сегó, заража́ющий христиа́нский род неува́жением к Божество́нной Правосла́вней ве́ре, к уста́вом Святы́я Цѣркви и к за́поведем Госпо́дним, непочте́нием к роди́телем и власте́м предержа́щим и низверга́ющий люде́й в бе́здну нече́стия, развра́щения и поги́бели. Отврати́ от нас, пречу́дне проро́че, предста́тельством твои́м пра́ведный гнев Божий и изба́ви вся гра́ды и ве́си от бездо́ждия и гла́да, от стра́шных бурь и землетрясе́ний, от смертоно́сных язв и боле́зней, от нашест́вия враго́в и междоусóбных бра́ни. Испроси́, проро́че Божий, от Го́спода па́стырем на́шим святу́ю ре́вность по Бо́зе, серде́чное попече́ние о спасе́нии пасóмых, му́дрость в уче́нии и управле́нии, благоче́стие и кре́пость во искуше́ниях, судия́м испроси́ нелицепри́ятие и безкоры́стие, правоту́ и сострада́ние к оби́димым, всем нача́льствующим попече́ние о подчиненных, ми́лость и правосу́дие, подчиненным же покóрность и послуша́ние ко власте́м и усер́дное исполне́ние свои́х обяза́нностей; да, та́ко в ми́ре и благоче́стии поживше́ в сем веце́, сподо́бимся прича́стия ве́чных благ в Ца́рствии Го́спода и Спа́са на́шего Иису́са Христа́, Ему́же подоба́ет честь и покло́нение со Безнача́льным Его́ Отце́м и Пресвяты́м Ду́хом, во ве́ки веко́в. Ами́нь.

### **Моли́тва во вре́мя бездо́ждия.**

О вели́кий и пресла́вный проро́че Божий Или́е, ре́вности ра́ди твоёя по сла́ве Го́спода Бо́га Вседержи́теля не терпе́вый зрѣти идолослужѣ́ния и нече́стия сыно́в Изра́илевых, обли́чавый законопресту́пнаго царя́ Аха́ва и в наказáние тех триле́тний глад на зе́млю Изра́илеву моли́твою твоёю от Го́спода испроси́вый, да, отвѣргше́ ме́рзкия и́долы и отсту́пльше́ от неправд и беззако́ний, обратя́тся ко Еди́ному Исти́нному Бо́гу и исполне́нию святы́х Его́ за́поведей, вдови́цу Сара́птскую в гла́де пречу́дно препита́вый и сы́на ея́ умер́ша моли́твою твоёю воскреси́вый, по прошѣ́ствии же прона́рече́ннаго вре́мене гла́да, со́бранный на го́ру Карми́льскую наро́д изра́ильский в богоотсту́пстве и нече́стии укори́вый, та́же огнь моли́твою на же́ртву твою́ с небесе́ испроси́вый и чу́дом сим Изра́иля ко Го́споду обрати́вый, студи́ныя же проро́ки Ваа́ловы посра́мивый и умертви́вый, по сих же моли́твою па́ки не́бо разреши́вый и оби́льный дождь на зе́млю

испросивый и люди Израилевы возвеселивый! К тебе, предивный угодниче Божий, усердно прибегаем, грешнии и смиреннии, томими бездождем и зноём: исповедуем, яко недостойни есмы милости и благодеяний Божиих, достойни же паче лютых прещений гнева Его, скорби же и нужды и всяких зол и болезней. Не бо ходихом в страхе Божии и в путех заповедей Его, но в похотех развращенных сердец наших и всякий вид греха безчисленно сотворихом; беззакония наша превзыдоша главу нашу, и несмы достойни явиться пред лице Божие и зрети на небо. Исповедуем, яко и мы, якоже древний Израиль, отступихом от Господа Бога нашего, аще не верою, то беззаконья нашими, и аще не поклоняемся Ваалу и другим мерзким идолом, то раболепствуем страстем и похотем нашим, служаще идолу чревоугодия и сластолюбия, идолу корыстолюбия и честолюбия, идолу гордости и тщеславия, и вслед ходим богопротивным иноплемённым обычаем и погибельному духу времени. Исповедуем, яко сего ради заключися небо и сотворися аки медяно, яко заключися сердце наше от милосердия и истинныя любви ко ближнему; сего ради отверде земля и соделася бесплодна, яко не приносим Господу нашему плодов добрых дел; сего ради несть дождя и росы, яко не имамы слез умиления и животворный росы Богомыслия; сего ради увяде всяк злак и трава сельная, яко изсше в нас всякое благое чувство; сего ради омрачися воздух, яко ум наш омрачися студными помышленьми и сердце наше осквернися беззаконными похотеньми. Исповедуем, яко и тебе, пророче Божий, просити мы недостойни есмы. Ты бо, подобострастен быв нам человек, Ангелом в житии твоём уподобился еси и, аки безплотный, на небо восхищен еси, мы же студными помысли и деяньми нашими безсловесным скотом уподобихомся и душу нашу яко плоть сотворихом. Ты постом и бдением удивил еси Ангелов и человек, мы же, предающеся невоздержанию и сластолюбию, скотом несмысленным уподобляемся. Ты презельною ревностию о славе Божией вину горел еси, мы же небрежем о славе нашего Творца и Господа и стыдимся исповедывати достопоклоняемое Имя Его. Ты нечестие и злыя обычаи искоренял еси, мы же рабствуем духу века сего, поставляюще богопротивныя обычаи мира паче заповедей Божиих и уставов Святыя Церкви. И кий грех и неправду не сотворихом мы, окаяннии? Истоцихом беззаконья нашими долготерпение Божие. Темже правосудный Господь прогневался на нас и во гневе Своём наказал нас. Обаче ведуще велие дерзновение твое пред Господем и надеющиеся на любовь твою к роду человеческому, дерзаем молити тя, прехвальне пророче: милостив буди к нам, недостойным и непотребным. Умоли Великодаровитаго и Всещедраго Бога, да не до конца прогневается на ны и не погубит нас со беззаконья нашими, но да низпослет на жаждущую и изсохшую землю дождь обильный и мирный, да дарует ей плодonoсие и благорастворение воздуха. Преклони действенным твоим ходатайством на милость Царя Небеснаго, аще не ради нас, грешных и скверных, но ради избранных рабов Его, не преклонивших колена своя пред Ваалом мира сего, ради незлобивых и несмысленных младенцев, ради безсловесных скотов и птиц небесных, страждущих за наша беззакония и истаевающих от глада, зноя и жажды. Испроси нам твоими благоприятными молитвами от Господа дух покаяния и сердечнаго умиления, дух кротости и воздержания, дух любви и терпения, дух страха Божия и благочестия, да тако, возвратившися от стезей нечестия на правый путь добродетели, ходим во свете

заповедей Божиих и достигнем обетованных нам благих, благоволением  
Безначального Бога Отца, человеколюбием Единородного Сына Его и благода-  
тию Всесвятого Духа, ныне, и присно, и во веки веков. Аминь.